



(原鈔本)

硃批鄂太保奏摺

第四冊

硃批鄂太保奏摺



雍正八年正月十三日雲貴廣西總督臣鄂爾泰

謹

奏為恭謝

聖恩事。雍正七年十一月十五日。臣齋摺家人蒙

恩賞銀十兩。馳驛齋回。

御賜臣寧絀八疋。沉香一盒。乳餅一匣。果乾一匣。抵彌

勒州屬之樹皮寨。臣跪迎至塘房內。隨恭設香案。

望

闕叩頭謝

恩祇領訖。敬啓摺扣。荷蒙

硃批。朕躬甚安好。凡有來引見過往之人。朕皆詳細備問。知卿精神氣象。甚屬壯健光彩。實為懌悅之至。為善日強。是乃

天道。敬誠為養性修身之本。乃千古至理。二者卿皆得之矣。朕復何慮。欽此。臣跪誦之下。不勝感激。不勝慚悚。

諭旨敬仰

聖明在上。如日中天。不以曲直而互易其影。如鏡高懸。隨其妍媸。而各肖其貌。功過不相貸。恩威必並施。

所以造就臣愚

訓勵臣工者。至詳且切。臣敢不時加凜惕。又讀至於卿。或有分外希冀等。

諭臣不勝神愴。在臣止知敬事。

一人。何暇容心於恩怨。然逢迎嫉妬。觀望窺伺者。實不

無其人。臣雖自信。亦殊自危。我  
聖主矜憐臣志。為預絕意外之營求。潛消難遂之憤怨。  
所以愛惜臣保全臣者。至矣極矣。臣敢不益加奮  
勵。益加儆惕乎。謹此繕摺恭謝  
聖恩。伏乞  
聖主睿鑒。臣謹  
奏。  
覽卿奏謝矣。

在臣志切成人。原不敢為兒女態。然每奉

恩諭。入骨沁心。儼若跪覲。

天顏。儼若面聆。

慈訓。神與氣結。洎隨言下。不但臣無以自解。即見者聞

者。亦實不能為臣解也。伏念為善日強。人道實即

天道。誠意故能潤身。主敬所以復性。此正

聖學高深。與

天合德。而剖析至理。

宣示臣愚。所以養性修身者在此。所以理人治事者亦  
即在此。臣雖不敏。無所成就。然數年以來。時時稟  
體

寶訓。亦稍有領悟。精神壯健。實倍於往昔。而身心性命  
之際。所以深受

殊恩而萬難仰報者。臣惟自知。臣惟自勉。此固莫可名  
言。不容少懈者耳。再讀至卿有微過。令天下知亦  
毫不容情之

同日又

奏為恭謝

天恩事。雍正七年十二月十四日。接准部咨。奉

上諭。鄂爾泰忠誠體國。經理苗疆。勲績懋著。伊曾祖圖  
捫。於開國時。奮勇陷陣。效命疆場。忠節炳然。垂光衍  
慶。積於其孫。鄂爾泰為不世出之良臣。祖孫忠良。後  
先輝映。朕甚嘉焉。今鄂爾泰奏稱。曾祖圖捫與祀昭  
忠寺。牌位列銜佐領。請照固原提督紀成斌之父守

備紀法業恩給誥封贈官之例。請將苗疆議叙之案。移賞曾祖祖父誥封。著將鄂爾泰之曾祖祖父俱照總督加內大臣兵部尚書職銜給與一品誥封。其昭忠寺圖捫牌位改書新贈之銜。入於大臣之列。鄂爾泰苗疆之案。仍著議叙。該衙門知道。欽此。知照到臣。臣隨恭設香案望

闕叩頭謝

恩訖。竊臣追憶髫髻時。臣父督課之餘。諄諄以忠孝為

訓謂身不足學當效爾祖每言及臣曾祖暨祖父  
母未嘗不泪下臣時雖無知一一敬記訖今四十  
年來不敢一日忘今荷蒙

聖恩加三世以內大臣兵部尚書職銜給與一品

誥封臣曾祖牌位改書新銜入於大臣之列

寵命自天感泣無地半生難遂之隱願至今日而畢伸

百身難報之

洪恩即累世而罔極聆後先輝映之

溫綸何敢負慚燕翼奉祖孫忠良之

寶訓豈忍貽辱祖宗沒齒不忘臣無可寬之一息畢生

圖報臣惟誓盡其寸誠至苗疆之案仍著議叙之

旨伏念祖孫父子業邀非分之

殊榮無惜頂踵髮膚何數當身之薄效除已經繕疏

卿奏出於至誠朕實知之非常情之套文可比但卿祖

當奏謝竝陳愚悃外相應懇祈

聖鑒俯允施行又本年正月十二日接准部咨奉

上諭數年以來怡親王及內外大臣中數人協贊朕躬

議叙乃賞功之典若移封於卿祖則卿祖非不應恩加

封

諸者也

不反掩

沒卿祖

之

功

績

乎

不

得

辭

忠誠宣猷為國家辦理政務勤慎奉職甚屬可嘉怡

親王之儀仗著增一倍大學士馬爾賽著加太子太

傅大學士張廷玉著加少保大學士蔣廷錫著加太子

太傅刑部尚書勵廷儀著加太子少傅靖邊大將軍

公傅爾丹寧遠大將軍公岳鍾琪雲貴廣西總督鄂

爾泰俱著加少保河東總督田文鏡著加太子太保

浙江總督李衛吏部尚書查郎阿寧夏將軍西柏俱

著加太子少保欽此知照到臣臣隨恭設香案望

闕叩頭謝

恩訖。伏念臣自受事總督以來。疊蒙  
聖諭之褒嘉。懼負

知人之哲。屢荷

殊恩之寵錫。時懷逾分之羞。世襲二品之官。垂裕後昆  
於奕葉。

誥贈三代之爵。重光前烈於千秋。業叨罔極之  
親恩。永下難酬之血泪。今復荷

特加少保。器小任大。

恩重命輕。寅亮之猷。實顧名而滋愧。凝丞之職。竊捫心而加慚。惟有敬誦

王言。恪遵

慈訓。每事矢之以忠誠。勿懈夙夜。庶務必勉其勤慎。益

凜冰淵。除俟開印日恭疏

奏謝外。合先一併繕摺恭謝

天恩。伏乞

聖主睿鑒。臣爾泰無任激切屏營之至。謹

奏。

覽卿奏謝矣。

同日又

奏為

奏明微臣入粵情形事。竊臣自雍正七年十一月初八日起程，取道廣南府，經土富州等處入粵西境。自剝隘地方至百色登舟，過思恩、土田州，屬抵南寧府登陸，赴柳州。自柳州復由水路，於十二月十九日抵桂林省城。沿途瘴氣全消，且天氣和暖，路旁豆麥青葱，菜花黃茂，緣年歲十分豐稔，以故兵